

Na osnovu Odluke Vijeća Univerziteta u Sarajevu - Prirodno-matematičkog fakulteta, broj: 01/06-784, 804/2-2025 od 08.05.2025. godine i Odluke Senata Univerziteta u Sarajevu broj: 01-7-16/25 od 28.05.2025. godine, raspisuje

KONKURS/NATJEČAJ

za izbor nastavnika na
Univerzitetu u Sarajevu - Prirodno-matematičkom fakultetu

- **NASTAVNIK** u zvanje **VANREDNOG PROFESORA** za oblast: „**Funkcionalna biologija**“ na Univerzitetu u Sarajevu – Prirodno-matematičkom fakultetu, Odsjek za biologiju – 1 izvršilac sa punim radnim vremenom;
- **NASTAVNIK** u zvanje **VANREDNOG PROFESORA** za oblasti: „**Organska hemija**“ i „**Biohemija**“ na Univerzitetu u Sarajevu – Prirodno-matematičkom fakultetu, Odsjek za hemiju – 1 izvršilac sa punim radnim vremenom;

Pored općih zakonskih uvjeta, potrebno je da kandidati ispunjavaju uvjete utvrđene članom 112. Zakona o visokom obrazovanju ("Službene novine Kantona Sarajevo", broj: 36/22):

Uz svojeručno potpisanu prijavu na konkurs za izbor akademskog osoblja u naučno-nastavno zvanje, kandidati **koji se prijavljuju prilažu dokaze da ispunjavaju minimalne uvjete za izbor**, kako slijedi:

- **Vanredni profesor:** proveden najmanje jedan izborni period u zvanju docenta, minimalno pet naučnih radova u priznatim publikacijama objavljenih nakon izbora u zvanje docenta, od čega su dva naučna rada objavljena u publikacijama indeksiranim u relevantnim naučnim bazama, objavljena knjiga, originalni stručni uspjeh kao što je projekt, patent ili originalni metod, te uspješno mentorstvo najmanje dva kandidata za stepen drugog ciklusa/integriranog studija, odnosno ekvivalenta;

Kandidati za izbor nastavnika dostavljaju:

- Prijavu za koje mjesto nastavnika konkurišu uz obavezu navođenja priložene dokumentacije i zakonskih uslova za izbor za koji se prijavljuju;
- Biografiju/životopis,
- Ovjerene kopije diploma odgovarajućeg fakulteta za oblast na koju konkuriše (visoke stručne spreme, naučnog stepena magistra i naučnog stepena doktora, odnosno diplome I (prvog), II (drugog), odnosno integriranog i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu ili potvrdu da je postupak u toku),
- Bibliografiju (priložiti: radove, udžbenike, knjige, monografije i dr.),
- Ovjerena kopija dokaza o najmanje jednom provedenom izbornom periodu u prethodnom zvanju,
- Dokaz o uspješno obavljenom mentorstvu,
- Podaci o nagradama i priznanjima u vezi sa odgovarajućom naučnom oblasti, ukoliko ih posjeduju,
- Dokaz o originalnom stručnom uspjehu, kao što je projekt, patent ili originalni metod,
- Dokaz o provedene dvije trećine izbornog perioda u zvanju na visokoškolskoj ustanovi na kojoj je biran u slučaju prijevremenog izbora.

Kandidati koji se prijavljuju shodno članu 176. Zakona o visokom obrazovanju ("Službene novine Kantona Sarajevo", broj: 36/22), pored općih zakonskih uvjeta, potrebno je da ispunjavaju uvjete utvrđene članom 96. Zakona o visokom obrazovanju ("Službene novine Kantona Sarajevo", broj: 33/17, 35/20, 40/20 i 39/21):

- **Vanredni profesor:** proveden najmanje jedan izborni period u zvanju docenta, najmanje pet naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te uspješno završeno

mentorstvo najmanje jednom kandidatu za stepen drugog ciklusa studija, odnosno reformiranog/integriranog studija;

Kandidati za izbor nastavnika dostavljaju:

- Prijavu za koje mjesto nastavnika konkurišu uz obavezu navođenja priložene dokumentacije;
- Biografiju/životopis,
- Ovjerene kopije diploma odgovarajućeg fakulteta za oblast na koju konkuriše (visoke stručne spreme, naučnog stepena magistra i naučnog stepena doktora, odnosno diplome I (prvog), II (drugog), odnosno integriranog i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu ili potvrdu da je postupak u toku),
- Bibliografiju (priložiti: radove, udžbenike, knjige, monografije i dr.),
- Ovjerena kopija dokaza o najmanje jednom provedenom izbornom periodu u prethodnom zvanju,
- Dokaz o uspješno obavljenom mentorstvu,
- Podaci o nagradama i priznanjima u vezi sa odgovarajućom naučnom oblasti, ukoliko ih posjeduju,
- Dokaz o originalnom stručnom uspjehu, kao što je projekt, patent ili originalni metod,
- Dokaz o tri objavljena naučna rada/uspješnom vođenju projekta kao ekvivalentu, odnosno supstituciji za opravdano neispunjavanje uvjeta objavljene knjige/mentorstva u skladu sa članom 115. stav (2) Zakona o visokom obrazovanju.

Svi kandidati koji se prijavljuju za izbor nastavnika, obavezni su u prijavi naznačiti ukoliko se prijavljuju shodno odredbi člana 176. Zakona o visokom obrazovanju ("Službene novine Kantona Sarajevo", broj: 36/22).

Svi kandidati, pored navedenih dokaza, dostavljaju originalni izvod iz matične knjige rođenih i uvjerenje o državljanstvu Bosne i Hercegovine (ne starije od 6 mjeseci) ili ovjerene kopije navedenih dokumenata. Preporuka je da svi listovi Prijave sa priloženom dokumentacijom, osim radova, udžbenika, knjiga, monografija i sl. budu čvrsto uvezani, sa numerisanim stranicama i parafirani od strane kandidata.

Napomena: Konkurs/natječaj ostaje otvoren 15 dana od dana objavljivanja. Prijave kovertirane slati na adresu Univerziteta u Sarajevu - Prirodno-matematički fakultet, ul. Zmaja od Bosne br. 33/III, putem pošte (sa naznakom za konkurs i koje mjesto) ili direktno na Protokol, soba 319/III (visoka zgrada) od 9-15h. Na koverti obavezno naznačiti ime i prezime, adresu, kontakt telefon i e-mail adresu. Bliže informacije se mogu dobiti na telefon: 033/723-778.

Nepotpune i neblagovremene prijave, prijave kandidata koji ne ispunjavaju uslove Konkursa/natječaja kao i prijave koje sadrže neovjerene kopije tražene dokumentacije neće se uzeti u razmatranje.